

Script Of Morning Gojri News Bulletin 04 July 2024 at 1015Hrs

ما رنینگ گو جری نیو ز بلیٹن مو رخہ 04 جولائی 2024

یوہ آکا شوانی جموں بے محمد آصف لودھی تیں خبر سُنو۔

PM Kashmir

وزیر اعظم نریندر مو دی نے زور دیتاں واں کہیو بے جے جموں کشمیر مانہہ دہشت گردی غے خلاف لڑائی ہُن اخیری مرحلہ مانہہ بے۔ جا تے روز پا رلیمنٹ غا اجلا س غے دوران صدر جمہو ریہ غا خطاب ور شکرہ غی تحریک غا جواب مانہہ وزیر اعظم نے کہیو جے گذشتہ 10 بہراں مانہہ دہشت گردی غا واقعات مانہہ خاصی کمی درج کی گئی بے۔ جموں کشمیر مانہہ حالیہ پا رلیمانی چناؤ غو ذکر کرتاں واں اُن نے کہیو جے لوکاں نے پارلیمانی چناؤ مانہہ متی تعداد مانہہ حصو لے غے اِس ویلے بھارت غا جمہو ری طریقہ کا ر غے ذریعے اپنی قسمت آزمائی کی بے۔ اس موقع ور بولتاں واں جناب مو دی نے یوہ وی کہیو جے جموں کشمیر مانہہ سیاحتی سرگرمیاں زوراں نال جا ری ہیں۔ تے اس ویلے سیاحت مانہہ تہاڑا توں تہاڑے بابدو درج کیو جا ریو بے۔

JK DGP

جموں کشمیر پولیس غا سربراہ آر آر سوین نے کہیو بے جے قانون نافذ کرن آلی ایجنسی تے دوجا حفاظتی دستہ جموں کشمیر غی حفاظتی، صورتحال ور پو ری چوکسی نال کم کر رییا ہیں۔ اُن نے کہیو جے لوکاں غا دلاں مانہہ دہشت گردی غو ڈر ہُن بلیں بلیں کٹتو جا ریو بے۔ نالے وادی کشمیر مانہہ امن و قانون غی صورتحال مانہہ پہلاں تیں متی بہتری دیکھی جا ری بے۔ جس غو حالیہ پا رلیمانی چناؤ پُر امن طریقہ نال منعقد ہونو اک واضح ثبوت بے۔ جا تے تہاڑے جموں مانہہ اک پریس کا نفرنس نال خطاب کرتاں واں پولیس سربراہ نے کہیو جے امن و قانون نافذ کرن آلی ایجنسی حالات ور نیڑے تیں تک رکھ غے کم کر ری ہیں۔

Army Chief

فوجی سربراہ جنرل اُپندرہ دوی ویدی نے جا تے تہاڑے قبضہ لکیر ور جموں کشمیر غی حفاظتی صورتحال غو جائزو لیو ہے۔ واضح رہے جے جنرل دوی ویدی جن نے 30 جون نانہہ بھارتی فوج غا 30 واں سربراہ غا طو ر ور اپنو عہدو سنبھالن توں کل سویرے جموں پُجن تیں بعد سرحدی ضلع پونچھ غو دورو لایو۔ دورہ غے دوران شمالی کمانڈ غا جی او سی لیفٹنٹ جنرل سچندرہ کمار تے جموں بیس غا لیفٹنٹ جنرل نوین سچدیوا وی اُن غے نال موجود تھا۔ دورہ غے دوران فوجی سربراہ نے پونچھ مانہہ تعینات فوجی افسران نال میٹنگ کر غے اگلی سرحدی چوکیاں ور حفاظتی صورتحال غو تفصیلی جائزو وی لیو۔ واضح رہے جے اس تیں پہلاں جناب دوی ویدی فوج غی شمالی کمان غا جی او سی وی رہ چکا ہیں۔ دسیو گیو ہے کہ فوجی سربراہ غا دورہ نال جموں کشمیر مانہہ دہشت گردی مخالف کاروائیاں مانہہ خاصی مدد ملے گی۔

Yatra 1 Lakh

سالانہ امرناتھ یا ترا ور جان آلا یا تریاں غی تعداد 1 لکھ تیں متی ہو گئی ہے۔ واضح رہے جے جا تے تہاڑے 30 ہزار 5 سو 86 یا تریاں نے گُفہ غا درشن کیا ہیں تے بُن توڑی درشن کرن آلاں غی تعداد 1 لکھ 5 ہزار 2 سو 82 توڑی پُج گئی ہے۔ واضح رہے جے اج نکی لو 5 ہزار 6 سو 96 یا تریاں ور مشتمل اک جتھو 219 گڈیاں مانہہ حفاظتی بندوبست غے تحت بھگوتی نگر جموں غا بنیا دی کیمپ تیں درشن واسطے روانہ ہو گیو۔

Cricket

اس با رٹی 20 عالمی کپ مقابلہ مانہہ جِت درج کرن آلی بھارتی کرکٹ ٹیم اج سویرے بارباڈوس تیں دہلی پُجی ہے۔ جِت ٹیم غا کھلاڑیاں نانہہ چان آلا لوکاں غی اک بڑی پیڑ نے قومی راجدھانی دہلی مانہہ ہوائی اڈھے غے با بر اُن غو جوش و جذبہ نال خیرمقدم کیو۔ واضح رہے جے بھارت سکاڈ غو وزیر اعظم نریندرمو دی نال اُن غی ربا ٹس گاہ ور ملاقات کرن غو وی پروگرام ہے۔

MVD Kishtwar

انسانی حقوق با رے قومی کمیشن غی ہدایت غے مطابق کشتواڑ تے ڈوڈہ اضلاع مانہ روز گا ر تے گڈیاں لا ریاں با رے محکمہ یعنی ایم وی ڈی غا سانجھا طور ر ور ضلع غا ڈرائیوراں توڑی ای شرم غی خاطر نایاں غا اندراج کرا غے فائدو چان با رے جانکا ری کیمپ منعقد کرایا گیا۔ ان جانکا ری کیمپاں غو مقصد ڈرائیوراں نانہ بیمہ تے پنشن سکیم خاطر جانکا ری فراہم کرنوتھو۔

Poonch HADP

پونچھ ضلع مانہ جا تے تہاڑے کسان سمپرک ابھیان غے تحت کساناں نانہ تربیت دین غی خاطر ضلع غا کوٹے 1 بلاکاں مانہ محکمہ ذراعت، باغبانی، مال چوکھر تے بھیڑ پالن محکمہ غی طرفوں پروگرام منعقد کرایا گیا۔ اس موقع ور بکھ بکھ محکماں غا عہدیداراں نے کساناں ور زور دتو بے جے وے حکومت غی طرفوں ان غی خاطر شروع کی گئی بکھ بکھ سکیمیاں تیں فائدو چاہ غے اپنی آمدن دگنی کریں۔

MET

محکمہ موسمیات نے پیشنگوئی کرتاں واں دسیو بے جے جموں کشمیر مانہ اج تیں آئندہ 6 جولائی توڑی لو ہکی توں پہاری درجہ غی با رش برن غو امکان بے۔ سماجی میڈیا ور شائع اکن پوسٹ مانہ محکمہ موسمیات بارے سرینگر مانہ قائم مرکز نے دسیو بے جے تیز با رش ہون غے نال نال پتھر کھسکن غو خطرو بے۔ جس خاطر لوکاں نانہ چوکنا رہن غی لوڑ بے تا نجے کسے وی جانی نقصان تیں بچیو جا سکے۔ واضع رہ جے ایان جموں مانہ متا توں متو درجہ حرارت 36 ڈگری سلیسس درج کیو گیو بے۔

اس غے نال ہی خبراں غو یوہ بلیٹن ختم ہوؤ۔